

ANEXO V

MODELO INDICATIVO DE CERTIFICACIÓN DE EXECUCIÓN DAS OBRAS

Don/Dona	<input type="text"/>	
(funcionario que teña atribuídas las facultades de control dentro do concello: secretario, interventor ou secretario-interventor)		
CERTIFICO:		
Que este concello, beneficiario dunha subvención para a realización da actividade		
<input type="text"/>		
<i>(Titulo)</i>		
ao abeiro da orde pola que se establecen as bases reguladoras para a concesión de axudas a programas de accións de concellos incluídos na Rede natura 2000, na súa convocatoria para o ano 2008, aprobou e aplicou ao cumprimento da finalidade para a que foi concedida a mencionada axuda un importe		
total de:	<input type="text"/> €	<input type="text"/> €
	<i>(importe en número e letra)</i>	
<i>(Lugar e data).</i>		
	,	de
		de
Asdo:		

CONSELLERÍA DE TRABALLO

Orde do 6 de xuño de 2008 pola que se desenvolve o Decreto 251/2007, do 13 de decembro, polo que se regula o recoñecemento da condición de entidade colaboradora do Servizo Público de Emprego de Galicia en captación de ofertas e a creación do rexistro administrativo.

O Real decreto 1375/1997, do 29 de agosto, sobre traspaso á Comunidade Autónoma de Galicia da xestión realizada polo Instituto Nacional de Emprego, no ámbito do traballo, o emprego e a formación establece que se traspasan á Comunidade Autónoma de Galicia as funcións de xestión que, en materia de traballo, emprego e formación vén realizando o Instituto Nacional de Emprego (Inem).

O Decreto 251/2007, do 13 de decembro, polo que se regula o recoñecemento da condición de entidade colaboradora do Servizo Público de Emprego de Galicia en captación de ofertas e a creación do rexistro administrativo establece na súa disposición adicional que, para os efectos de regular o procedemento de captación de ofertas que van ser desenvoltas polas entidades inscritas no rexistro, publicarase no *Diario Oficial de Galicia* unha orde de desenvolvemento.

Con base no exposto, consultado o Consello Galego de Relacións Laborais e en virtude do estipulado na disposición derradeira do mencionado decreto,

DISPOÑO:

Artigo 1º.-*Execución das accións.*

A execución das accións que van realizar as entidades colaboradoras quedará determinada no mode-

lo de contratación administrativa que se estableza segundo a Lei 30/2007, do 30 de outubro, de contratos do sector público, tal como aparece recollido no artigo 10.1º do Decreto 251/2007.

Artigo 2º.-*Condicións xerais.*

1. O prazo de execución das accións será o que estableza a Lei 30/2007, do 30 de outubro, de contratos do sector público, atendo ao tipo de contrato administrativo empregado. Será requisito indispensable que a entidade colaboradora manteña todos os requisitos polos que se lle otorgou esa condición, así como non incorrer no resto dos supostos enumerados no artigo 7 do Decreto 251/2007, do 13 de decembro.

2. O importe da compensación económica para pagar pola realización das accións de captación de oferta será como máximo de 50 € por oferta captada e debidamente tramitada, e en función do cumprimento dos seguintes criterios:

-Por oferta de emprego captada que culmine coa contratación por parte da empresa oferente, 40 euros.

-Se ademais a mesma oferta inclúe máis dun posto de traballo aboaranse 5 euros.

-E se ademais a oferta implica a captación dun novo oferente aboaranse outros 5 euros.

3. O pagamento das compensacións económicas ordenarase, con carácter xeral, trimestralmente, logo da presentación da factura correspondente ao dito período por parte da entidade colaboradora.

Disposicións adicionais

Primeira.-As cantidades mencionadas no artigo 2º serán susceptibles de actualización consonte o esta-

blecido na Lei 30/2007, de contratos do sector público.

Segunda.-As accións incluídas nesta orde financiaranse para o ano 2008, con cargo ás consignacións orzamentarias que figuran nos orzamentos xerais da comunidade autónoma para 2008: 16.03.321A.227.99 cun importe de 500.000 euros. Para futuras anualidades farase con cargo á aplicación orzamentaria que corresponda, a cal virá recollida nos orzamentos xerais da comunidade autónoma para a dita anualidade. Estas cantidades poderán ser susceptibles de ampliación en función das disposicións orzamentarias.

Disposicións derradeiras

Primeira.-Facúltase a persoa responsable da Dirección Xeral de Formación e Colocación para que dite, no ámbito das súas competencias, as instrucións necesarias para o desenvolvemento e cumprimento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 6 de xuño de 2008.

Ricardo Jacinto Varela Sánchez
Conselleiro de Traballo

Resolución do 28 de abril de 2008, da Dirección Xeral de Relacións Laborais, pola que se dispón a inscrición no rexistro e a publicación, no Diario Oficial de Galicia, do convenio colectivo da empresa Cooperativa Farmacéutica Galega (Cofaga).

Visto o texto do convenio colectivo da empresa *Cooperativa Farmacéutica Galega (Cofaga)*, (código de convenio nº 8200242), que se subscribiu coa data de 4 de abril de 2008, entre a representación da empresa e os representantes dos traballadores, e de conformidade co disposto no artigo 90.2º e 3º do Real decreto lexislativo 1/1995, do 24 de marzo, polo que se aproba o texto refundido da Lei do Estatuto dos traballadores, e no Real decreto 1040/1981, do 22 de maio, sobre rexistro e depósito de convenios colectivos de traballo.

Esta Dirección Xeral de Relacións Laborais,

ACORDA:

Primeiro.-Ordenar a inscrición do devandito convenio colectivo no rexistro xeral de convenios desta dirección xeral.

Segundo.-Remitir o texto orixinal ao correspondente servizo deste centro directivo.

Terceiro.-Dispoñer a súa publicación no *Diario Oficial de Galicia*.

Santiago de Compostela, 28 de abril de 2008.

Pilar Cancela Rodríguez
Directora xeral de Relacións Laborais

CAPÍTULO I

EXTENSIÓN, VIXENCIA E DENUNCIA

Artigo 1º.-*Obxectivo do convenio.*

Este convenio ten por finalidade regular as condicións económicas e sociais entre a empresa Cofaga, sita no polígono de Pocomaco parcela A4, A Coruña e os seus traballadores.

Artigo 2º.-*Ámbito territorial.*

Este convenio será de aplicación a todo o persoal que presta os seus servizos na empresa *Cooperativa Farmacéutica Galega (Cofaga)* que radican nas provincias da Coruña e Lugo.

Artigo 3º.-*Ámbito persoal.*

As normas deste convenio regulan as relacións de traballo do todo o persoal de Cofaga da Coruña e Lugo.

Artigo 4º.-*Ámbito temporal.*

Tres anos: 1-1-2007 a 31-12-2009.

Artigo 5º.-*A denuncia do convenio.*

Deberá presentarse ante a Consellería de Traballo, cunha antelación mínima de tres meses, por calquera das partes, con previa comunicación entre ambas.

Artigo 6º.-*Vinculación á totalidade.*

Este convenio forma un total indivisible, pois as condicións pactadas estimáronse globalmente, se a autoridade laboral competente non aprobouse algunha das súas cláusulas, ou indicase a introdución de modificacións que poidan alterar esta globalidade a que se fai referencia, o convenio reconsiderarase na súa totalidade.

1. Garantías persoais: respétaranse as condicións de traballo que foran superiores ás establecidas neste convenio, consideradas no seu conxunto e cómputo anual.

CAPÍTULO II

CLASIFICACIÓN E PROMOCIÓN PROFESIONAL

Artigo 7º

1. Clasificación funcional: os traballadores, homes ou mulleres, afectados por este convenio colectivo serán clasificados en atención ás funcións que desenvolven e de acordo coas definicións que se especifican no acordo sobre grupos profesionais e complementos de posto de traballo a cinco grupos profesionais mais o grupo 0.

Esta estrutura profesional pretende obter unha máis razoable estrutura produtiva, todo iso sen diminución da dignidade, oportunidade de promoción e